



18. august 2011

Inatsisartut suleriaasianni § 37 naapertorlugu Naalakkersuisunut apeqquq matumuuna saqqummiuppara:

Naalakkersuisunut Apeqquq:

- 1. Piffissami kingullermi uumasogatigiinnut ulorianaateqarsinnaasutut taaneqarsinnaasunik amerliartupiloortunik toraarsisoqarsimava?**
- 2. Nunatsinni uumasogatigiinnik aammalu naasogatigiinnik eqqunneqarsimasunik Naalakkersuisunit ingerlanneqartumik misissueqqissaartoqarsimava?**
- 3. Ingerlatsisoqarsimanngippat Naalakkersuisut isumaqarpat siunissami taamatut nalunaarsuisarnissaq aqutissaalluarlunilu periarfissarsiunneqassasoq?**
- 4. Nunatsinni uumasogatigiit naasogatigiillu amerliartupiloorlutik nunatsinniilersut pillugit nalunaarsuisimava aammalu siunissami iliuserissamaakkorsimappat?**

(Kim Kielsen, Siumut)

Tungavilersuut:

Nunarsuarmioqatigiinni tamani soorlu takussaasoq uumasut naasullu allat nunami piulersarlutillu amerliartupiloorlutik assigiiaarnermut uloriarnartorsiortitsisinnaasut amerliartornerat piffinnilu aaliangersimasuni allaat takussutissaqalersimavoq uumasogatigiit allanngorartuunerannut ulorianartorsiortitsisoqarlunilu allanut qangasuaaniilli piusimasunut uumaffigiuminaatsunngortitsisoqartarsimalluni.

Novemberimi 2010-imi Nunat avannarliit ataatsimiinneranni avatangiisit pillugit oqallittoqarnerani oqaluuserineqarpoq vârhundimik taaneqartartut nunani avannarlerni amerliartupiloornera akiorneqartariaqalersimasoq ataqatigiittumillu suleqatigiissutigineqalertariaqartoq siaruarternera killilersimaarniarneqassappat. Nammineq isummamut isumaqataasinnaagaluarlunga isumaqartuarsimavunga isumaqarlungalu ataatsimoortumik siammasinnerusumik aammalu siunnerfeqatigiiffiusumik uumasogatigiit siaruapilooriartorneranut ataqatigiissaakkamik sammiveqartumik ingerlatsisoqartariaqartoq.

Misilittagaqarfigilluarparput nunatsinni sulluitsut, uumasut naasullu avatanniit tikiisillugit inuutinneqarsinnaatillugit. Terissat, teriarsuit aammalu kaniinat assersuutaalluarsinnaapput nunatsinni uumasuulersimaneri ilaatigut nunaannarmi tamakku takussaanngikkaluartut, taamaattoq naasut kumai, kakkerlakkit aammalu niugiuaqqat takussaalerput. Iisimaarilluarparput tuttip kumaa, soorlu taamani Norgemiit tuttip tikiunneqarneranni eqqunneqarsimasut ilaat. Oqaluttuarisaaneq eqqarsaatigiganni savat, kukkukuut nersussuillu assersuutitut eqqussatut taaneqarsinnaapput. Naasut ilaattut siornatigut piusimanngitsut ilaat taaneqarsinnaavoq lupin allallut naasut nerineqarsinnaasut ilaatigut taaneqarsinnaapput.

Piffissamiit piffissamut amerlasooriarluta umimmaliillutalu tuttuliisarsimavugut. Neqissaqarniarneq aammalu imminut pilersorniarnermut tunngatillugu tamakku uumasut pingaaruteqarluinnartuupput. Peqqutissaqartut misigisimavunga uumasogatigiit tamakku eqqunneqarneritigut aammalu naasut avataaneersut eqqunneqarnerisigut kinguneri

nakkutigineqarnissai soqtigissallugu qulakkeerumallugu uumasut naasullu qangarsuaaniilli plusimasut innarlerneqaratik piujuarnissaat eqqarsaatigalugu nakkutiginnineq ingerlanneqarpat. Qulaani tunngavilersuutikka aallaavigalugit apeqqutikka ingerlatippakka.

Kissaatigaara apeqquteqaatikka ullut suliffiusut qulit iluanni akineqareersimanissaat.